



Na osnovu članova 70. i 100. stav (3) Zakona o javnim nabavkama BiH ("Službeni glasnik BiH" broj: 39/14), rješavajući po žalbi ponuđača "MGV GRADNJA" d.o.o. Zavidovići, izjavljenu protiv Odluke o izboru najpovoljnijeg ponuđača broj: 12/08-27-8398-7/17 od 31.07.2017. godine u postupku javne nabavke radova za LOT 2 - Sanacija dijela regionalne ceste R 444a Vareš-Pogar-Luke-Ratanj od stacionaže 5+850 km do 7+150 km u dužini od L = 1300,00 m, u skladu sa Zapisnikom o pregledu i ocjeni ponuda, broj: 12/08-27-8398-5/16 od 28.07.2017. godine, i člana 223. Zakona o upravnom postupku BiH ("Službeni glasnik BiH" broj: 29/02, 12/04, 88/07, 93/09, 41/13 i 53/16), direktor Kantonalne direkcije za ceste Zeničko-dobojskog kantona, donosi:

ODLUKU

I

Žalba ponuđača "MGV GRADNJA" d.o.o. Zavidovići izjavljena protiv Odluke o izboru najpovoljnijeg ponuđača broj: 12/08-27-8398-7/17 od 31.07.2017. godine u otvorenom postupku javne nabavke radova broj: 1417-1-3-6-3-7/17 od 07.06.2017.godine (obavještenje o nabavci broj: S1-8127-17 „Službeni glasnik BiH“, broj: 41/17 od 09.06.2017. godine), za LOT 2 - Sanacija dijela regionalne ceste R 444a Vareš-Pogar-Luke-Ratanj od stacionaže 5+850 km do 7+150 km u dužini od L = 1300,00 m, se usvaja.

II

Poništava se Odluka o izboru najpovoljnijeg ponuđača broj: 12/08-27-8398-7/17 od 31.07.2017. godine.

III

Za najpovoljnijeg ponuđača u otvorenom postupku javne nabavke za radove, broj: 1417-1-3-6-3-7/17 od 07.06.2017.godine, za LOT 2 - Sanacija dijela regionalne ceste R 444a Vareš-Pogar-Luke-Ratanj od stacionaže 5+850 km do 7+150 km u dužini od L = 1300,00 m izabran je ponuđač "MGV GRADNJA" d.o.o. Zavidovići, sa ponuđenom cijenom u iznosu od 169.759,43 KM bez PDV-a.

Ponuđač "MGV GRADNJA" d.o.o. Zavidovići (ID broj: 4218484410003), adresa Tvornička bb, Zavidovići, dužan je dostaviti dokumente iz člana 45. stav (2) tačka od a) do d) Zakona o javnim nabavkama BiH („Službeni glasnik BiH“ broj 39/14) navedene u tački 12.3.1. i dokumente iz tačke 12.5.2. tenderske dokumentacije i to u roku od 3 (tri) dana od dana zaprimanja ove Odluke.

Ugovorni organ će odbaciti ponudu ponuđača u slučaju da izabrani ponuđač propusti blagovremeno dostaviti validne dokumente iz stava (1) ovog člana.

U skladu sa članom 72. i 98. stav (1) Zakona o javnim nabavkama BiH („Službeni glasnik BiH“ broj: 39/14) ugovorni organ zaključit će ugovor sa najpovoljnijim ponuđačem iz tačke III ove Odluke nakon isteka roka od 15 (petnaest) dana od dana kada su svi ponuđači obavješteni o izboru najpovoljnije ponude.

IV

Ponuda ponuđača JATA GROUP d.o.o. Srebrenik se u skladu sa članom 68. Zakona o javnim nabavkama BiH („Službeni glasnik BiH“ broj: 39/14) odbacuje jer nije potpuna i ne ispunjava zahtjeve iz tenderske dokumentacije.

Ponuda grupe ponuđača GEO-PUT d.o.o. Maglaj i RIAL-ŠPED d.o.o. Doboj Istok se u skladu sa članom 68. Zakona o javnim nabavkama BiH („Službeni glasnik BiH“ broj: 39/14) odbacuje jer nije potpuna i ne ispunjava zahtjeve iz tenderske dokumentacije.

V

Ova odluka objavit će se na službenoj stranici ugovornog organa www.zdk.ba i to istovremeno s upućivanjem odluke ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama BiH („Službeni glasnik BiH“ broj: 39/14).

Obrazloženje

Odlukom o izboru najpovoljnijeg ponuđača broj: 12/08-27-8398-7/17 od 31.07.2017. godine, za najpovoljnijeg ponuđača u otvorenom postupku javne nabavke za radove, broj: 1417-1-3-6-3-7/17 od 07.06.2017. godine, za LOT 2 - Sanacija dijela regionalne ceste R 444a Vareš-Pogar-Luke-Ratanj od stacionaže 5+850 km do 7+150 km u dužini od L = 1300,00 m, izabrana je ponuda grupe ponuđača „NAHONAL-GAS“ d.o.o. Breza i „RUDNICI GIPSA“ z.d.d. Donji Vakuf.

U predmetnom postupku nabavke, ponuđač „MGV GRADNJA“ d.o.o. Zavidovići, zastupan po punomoćniku advokatu Bakiru Ljuboviću iz Zenice, dana 14.08.2017. godine izjavio je žalbu u skladu sa članovima 99. i 101. Zakona o javnim nabavkama BiH, koja je kod Ugovornog organa zaprimljena 15.08.2017. godine.

Žalilac u žalbi navodi:

- Da član grupe ponuđača „RUDNICI GIPSA“ z.d.d. Donji Vakuf ne ispunjava uvjete javne nabavke, jer po naknadnom saznanju žalitelja, isti ima neizmirene obaveze po osnovu poreza i doprinosa, te neizmirene obaveze prema UIO po osnovu indirektnih poreza odnosno da dostavljeno uvjerenje Uprave za indirektno-neizravno oporezivanje Regionalni centar Mostar za ponuđača „RUDNICI GIPSA“ z.d.d. Donji Vakuf nije valjano. Kao dokaz dostavlja Odgovor Uprave za indirektno-neizravno oporezivanje Regionalni centar Mostar broj: 02/6-III-16-5771-1/17 od 14.08.2017. godine.

U vezi sa naprijed navedenim, ugovorni organ je u skladu sa članom 100. stav (1) Zakona o javnim nabavkama BiH i članom 227. Zakona o upravnom postupku BiH, utvrdio da je žalba blagovremena, dopuštena i izjavljena od ovlaštene osobe.

Nakon što su prednje pretpostavke preispitane, prema stanju u spisu, ugovorni organ je nakon ponovnog uvida u dostavljenu ponudu ponuđača u predmetnom postupku nabavke, te analizom svakog dokaza pojedinačno i u njihovoj međusobnoj vezi, a u odnosu na žalbene navode i propisani zakonski postupak, utvrdio da su žalbeni navodi osnovani, na osnovu čega je odlučeno kao u dispozitivu.

Polazeći od žalbenih navoda, te nakon ponovnog uvida u dostavljene dokumente grupe ponuđača „NAHONAL-GAS“ d.o.o. Breza i „RUDNICI GIPSA“ z.d.d. Donji Vakuf iz člana 45. stav (2) tačka od a) do d) Zakona o javnim nabavkama BiH („Službeni glasnik BiH“ broj 39/14) navedene u tački 12.3.1. i dokumente iz tačke 12.5.2. tenderske dokumentacije Ugovorni organ je utvrdio:

- Grupa ponuđača „NAHONAL-GAS“ d.o.o. Breza i „RUDNICI GIPSA“ z.d.d. Donji Vakuf je dana 07.08.2017. godine u ostavljenom roku dostavila dokumente iz tački 12.3.1. i dokumente iz tačke 12.5.2. tenderske dokumentacije.
- Član grupe ponuđača „RUDNICI GIPSA“ z.d.d. Donji Vakuf je dostavio uvjerenje Uprave za indirektno-neizravno oporezivanje Regionalni centar Mostar broj: 02/6-2/III-16-D-2-694/17 od 15.07.2017. godine u kojem je navedeno da „RUDNICI GIPSA“ z.d.d. Donji Vakuf, na dan 15.07.2017. godine, nema dospjelih, a neizmirenih obaveza po osnovu indirektnih poreza, ostalih prihoda i taksi.

Ugovorni organ je uvažavajući navode iz žalbe uputio dopis Upravi za indirektno-neizravno oporezivanje Regionalni centar Mostar i tražio provjeru validnosti naprijed navedenog uvjerenja. Uprava za indirektno-neizravno oporezivanje Regionalni centar Mostar je u odgovoru broj: 02/6-III-16-5864-1/17 od 17.08.2017. godine osporio validnost uvjerenja broj: 02/6-2/III-16-D-2-694/17 od 15.07.2017. godine.

Na osnovu naprijed iznesenog, Ugovorni organ je prihvatio žalbeni navod žalioca, da dostavljeno uvjerenje Uprave za indirektno-neizravno oporezivanje Regionalni centar Mostar za ponuđača „RUDNICI GIPSA“ z.d.d. Donji Vakuf, nije validno.

Zbog naprijed navedenog, Ugovorni organ u skladu sa članom 68. stav (1) Zakona o javnim nabavkama BiH („Službeni glasnik BiH“ broj: 39/14) odbacuje ponudu grupe ponuđača „NAHONAL-GAS“ d.o.o. Breza i „RUDNICI GIPSA“ z.d.d. Donji Vakuf.

Nadalje, Ugovorni organ je utvrdio da je Komisija za javne nabavke blagovremeno i pravilno izvršila otvaranje ponuda i ocjenu prispjelih ponuda, te da usvajanjem žalbenih navoda nije došlo do promjene u činjeničnom stanju ponuda ostalih ponuđača, te se mijenja samo rang lista kvalifikovanih ponuđača i to u dijelu koja se odnosi na prvorangirano mjesto, ponuda grupe ponuđača „NAHONAL-GAS“ d.o.o. Breza i „RUDNICI GIPSA“ z.d.d. Donji Vakuf se eliminiše zbog naprijed navedenih razloga, te je utvrđena nova rang lista kako slijedi:

R/br	Ponuđač	Ukupna cijena ponude bez PDV-a	Dati popust	Ukupna cijena ponude sa popustom bez PDV-a
1.	MGV GRADNJA d.o.o. Zavidovići	184.521,12	8 % (14.761,69)	169.759,43
2.	HAJDIĆ d.o.o. Maglaj	180.054,00	-	180.054,00
3.	TRGOŠPED d.o.o. Kakanj	193.000,08	-	193.000,08
4.	POROBIĆ d.o.o. Zavidovići	196.907,55	-	196.907,55

Napominjemo da je postupak nabavke pokrenut Odlukom broj: 12/08-27-8398/17 od 05.06.2017. godine, a prema obavještenju o nabavci broj: 1417-1-3-6-3-7/17 koje je objavljeno na Portalu javnih nabavki 07.06.2017. godine, te da je Komisija za javne nabavke ugovornom organu blagovremeno je dostavila zapisnike o otvaranju i o pregledu i ocjeni pristiglih ponuda.

U predviđenom roku za LOT 2 pristiglo je ukupno 7 (sedam) ponuda.

U postupku pregleda i ocjene pristiglih ponuda, Komisija je konstatovala da:

Ponuda ponuđača JATA GROUP d.o.o. Srebrenik dostavljena za LOT 2 odbacuje se iz razloga jer ponuda nije dostavljena u skladu sa tačkom 12.4. tenderske dokumentacije kojom je traženo da se dostavi rješenje o upisu u sudski registar sa svim izmjenama ili Aktuelni izvod iz sudskog registra, u originalu ili ovjerenoj kopiji, te da dokumenti ne mogu biti stariji od 90 dana računajući od momenta predaje ponude. Ponuđač JATA GROUP d.o.o. Srebrenik je izvršio predaju ponude 24.07.2017.godine, a dostavljeni dokaz je od 16.01.2015.godine (Rješenje o izmjenama podataka broj: 032-0-Reg-15-000021 izdato od Općinskog suda u Tuzli), iz čega je vidljivo da traženi dokument nije dostavljen na način propisan naprijed navedenom tačkom tenderske dokumentacije.

Ponuda grupe ponuđača GEO-PUT d.o.o. Maglaj i RIAL-ŠPED d.o.o. Doboj Istok dostavljena za LOT 2 odbacuje se iz razloga jer dostavljeni dokumenti za ocjenu tehničke i profesionalne sposobnosti po sadržaju ne odgovaraju uslovima iz tačke 12.6. tenderske dokumentacije. Naime, navedenom tačkom propisano je da ponuđači trebaju ispuniti minimalni uslov za uspješno iskustvo u realizaciji 1 (jednog) ugovora minimalne vrijednosti 200.000,00 KM, čiji su karakter, kompleksnost i vrijednost slični ili isti onima koji se odnose na predloženi ugovor (radovi rekonstrukcije, sanacije i građenja javnih cesta) u posljednje tri godine (2014., 2015. i 2016.). Grupa ponuđača GEO-PUT d.o.o. Maglaj i RIAL-ŠPED d.o.o. Doboj Istok ovaj uslov nije dokazala obzirom da u dostavljenom spisku izvršenih ugovora i potvrdama naručioca nije naveden niti jedan ugovor koji se odnosi na radove rekonstrukcije, sanacije i građenja javnih cesta minimalne vrijednosti 200.000,00 KM. U ponudi su kao dokaz dostavljene potvrde naručioca za radove redovnog održavanja cesta a što nije u skladu sa zahtjevima iz tačke 12.6. i tačke 12.7. tenderske dokumentacije.

Zbog svega navedenog ponude ponuđača JATA GROUP d.o.o. Srebrenik i grupe ponuđača GEO-PUT d.o.o. Maglaj i RIAL-ŠPED d.o.o. Doboj Istok, u skladu sa članom 68. Zakona o javnim nabavkama BiH („Službeni glasnik BiH“ broj: 39/14) odbacuju se, jer nisu potpune i ne ispunjavaju zahtjeve iz tenderske dokumentacije.

Imajući u vidu, novo činjenično stanje i novu rang listu, Ugovorni organ je donio Odluku o odabiru najpovoljnije ponude za ponuđača „MGV GRADNJA“ d.o.o. Zavidovići.

Na osnovu utvrđenog činjeničnog stanja, primjenom odredbi člana 100. stav (3) i člana 64. stav (1) tačka b) Zakona o javnim nabavkama BiH, Ugovorni organ je odlučio je kao u dispozitivu ove odluke.

Odluka će se objaviti na službenoj stranici ugovornog organa www.zdk.ba i to istovremeno s upućivanjem odluke ponuđačima koji su učestvovali u postupku javne nabavke.

Ugovorni organ će u skladu sa članom 70 i 71. Zakona o javnim nabavkama, ovu odluku dostaviti svim učesnicima postupka.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi BiH, putem ugovornog organa u roku od 5 (pet) dana od dana prijema ove odluke, na način propisan članom 99. Zakona o javnim nabavkama BiH („Službeni glasnik BiH“ 39/14).

Dostavljeno:

1 x svim ponuđačima,
1 x a/a

